

# 1 TIMOTI

## Khe Por Fharav Timoti Ndi Khergi Gap

### Khe fharav ganinga buni khare.

Timoti, ana Garesia ngu bakime fhain Ristra ngu bakimen guigira Zisas kothigi guman kam ma. Ana ntigera Zisas kothigi guma ma. Anan niamuun Zudian mbik ma. Anan ndia, ana Grikar guma ma. Por ana ndigim, ana ana phorga ruav Fhe Bakime ngip buni vhuuñ bun nzua rui ñaara mbui. Ndu FG 16.1 kegip ganiv ves 3 thigiri. Timoti zumgum sios gari guman pan kav, ana Efesus sios gari guman pan kim, Por kha gava khergiap, ana ndi mbarigi.

Por mba gava khergiap, ana fharav ana nzuai kameñ khañ muunji. Por khañ nzuai, Timoti tui-tuigira mba guigira Zisas kothigi gumgi gu mbigi, ana mbe Zisas kothigi tiva ganiri. Ana gumgi thari ganirim, mbe ziv, mba guigira Zisas kothigi tivar farfa thari. Mba gumgi, mbe harigi khesharigi ndikndigi ki. Mbe kha khesharigi ndikndigi ga mbui. Mbe khañ nzuai, “Kha nuiana bigi, nta nzerigi fhuvara. Maan muunji, guma ana zazera mbara muunjiap ki biñbiñ ndir za mbui, ana kha nuianan mba thari, ana nta thav, ana muun rigi thari.”

Kha fharigi bunen thigi buna bakime, kha gap ne nzuai, ne khare. Por rotu ga mbui tivir vhuuñ ganiv, siosan ñaari ganinga ne nzuai.

Por vhira guigira Zisas kothigi gumgi gu mbigi ganinga guma ga nzuav vhira siosan njaara guma ga nzuav, khan nzuai, “Ram muungi kesharigi guma, ana sios gari guma gum siosan njaara guma kirie?” Kha gavar mpuur kamenj, ana Timoti ga nzuai. Ana khan ana nzuai, “Ana Zisas Kraisan njaara guman vhuun kiv, ana mba guigira Zisas kothigi gumgi gu mbigi, ana bevbevira mben muunga tivi, ana nta nzuai.”

**Timoti wo mbui tivi, ana tuituigip nta ganiv, ana vhira mba siosan ki gumgi gu mbigi, ana vhira tuituigip mbe ganiri.**

<sup>1</sup> Gu Por, gu Krai Zisas farasarigi njaara guma. Gu taagia nza ndi Fhe Bakimen njaara guma kav, nza guigira kothigi guma, Krai Zisas, nza ana rarga ki. Mani nan farasarigim, gu manin njaara guma ki.

<sup>2</sup> Timoti, ndu na phorgap guigira Zisas kothigap, ndu guigira nan kama fara muungi. Gu kha gava khergiap, ndu ndi mbai. Nzan Ndia Fhe Bakime gum nza Bakime Krai Zisas, mani tivar vhuun ndun muunv, ndun korar muunv, ndava mitigar ndun nihrim, ndu kiri.

*Nza mba guiguigi buni, nza za nta mbevarim, nta ngirgiri.*

<sup>3</sup> Gu fhum Masedonian ngir zav, gu mba kamen ndu suangi, gu ntigem mba kamenra taagiap ndu nzuai. Gu khuenj vuzvugi, ndu Efesusra kiv, ndu

kama havharar Fhe Bakime buni vhuuin mba gumgi gu mbigi ga nzuav, mbe guiguigi gumgi phorgi suanri. <sup>4</sup>Ndu mbe suanrim, mbe mba fhura nzigi nenji nzari khini gum, mbe won nzigi ziri zitav, mbe buni, nenji, mbe nta thari. Mba kesharigi buni, nta fhura mbe ndikndigi ngi buni ma. Nta mben kurarim, mbe Fhe Bakime kothigirga tuktigi fhuvara. Nta vhira mben kurarim, mbe Fhe Bakime nzan muun za mbui vuzvuk, mba vuzvuk, ana guigira bigi kothigi tiv, mbe tuituigip ana kangirga tuktigi fhuvara. <sup>5</sup>Fhe Bakime muun zav nza suangi naar, ana khan muungi. Ndu guigira kha gumgi gu mbigi ga suanrim, mbe guigira Zisas kothiviv, mbe Fhe Bakime niman guigira ngariv kiv, khuen kangirga, tivir vhuuin gu tivi mbatigi. Mba tivi mbe ndikndigi khavirim, mbe guigira ndavir warir nanga. <sup>6</sup>Gumgi mbari, mbe ntigem mba tivi thav, mbe fhura nanjanav, fhura buni khini nzuai. <sup>7</sup>Mbe Moses suangi tivir harigi gumgi khivirgen vuzvugiap, mbe khivi. Mbe mbe khivav khuen ndikndigi, nza nzuai buni nta guigi guarara. Mbe maan nzuav, mbe nduarira wari wo nzuai buni, mbe nta nunge kangi fhuvara. Mbe vhira, mbe nduarira wari wo nzuai buni, mbe nta kangi fhu.

<sup>8</sup>Nza khuen kangi, Moses suangi tivi, nta tivir vhuuin ma. Guma tuituigip nta zin ngirga, nta nzerarga. <sup>9</sup>Moses suangi tivi, nta mbui naar khan mbui fhuvara. Nta tivir vhuuan mbui gumgi gu mbigi tivi ndiv thigar mbai fhuvara. Nta mbui

**1:4** 1 T 4.7; 2 T 2.14-16; Ta 1.14      **1:5** Ro 13.8-10; Ga 5.14; 2 T 2.22

**1:7** 1 T 6.4; 6.20; Ta 1.10      **1:8** Ro 7.12; 7.16; 7.22      **1:9** Ga 3.19;

ñaar khare, nta Moses suanji tivi daav ririri gumgi gu mbigi, nta mben tivi ndiv thigar mbai. Nta vhira kir Fhe Bakime segap, tivi mbatigi ga mbui gumgi gu mbigi tivi ga nzuav, mbe nzuai tivi ma. Nta Fhe Bakimen tivi thav, kha nuiana tivi zin vui gumgi gu mbigi ga nzuav ki tivi ma. Moses suanji tivi, nta khar muungi. Guma won ndia gum niamuun shogim, mani ringi, nta ne suanj ana suanga. Nta vhira harigi guma shogim, ana ringi guma, nta ne suanj ana suanga. <sup>10</sup>Nta vhira harigi gumgi gu mbigi ruarir wari ndi, nta ne nzuav mbe nzuai. Nta vhira gumgi Sodoman kav muungi tivi mbatigi, mba khesharigi tivi mbatigi ga mbui gumgi gu mbigi, nta mbe nzuav nzuai. Nta vhira gumgi harigi gumgi kiv, mbe ndi mbaim, mbe fura harigi gumgir ñaar gumgi ki gumgi ga nzuav nzuai. Nta vhira bigi guiguigav, fhura kha vun ki guma zi ziti gumgi gu mbigi ga nzuav, vhira Fhe Bakime suanji tivi panan nta kegi tivi mbatigi ga mbui gumgi gu mbigi nta vhira mbe nzuav nzuai. <sup>11</sup>Mba kameñ ne guigira, ne Fhe Bakime na niñgi kaman vhuueñ vhen ki. Gu khar mba kameñ bun nzuai. Gu bun nzuai kaman vhuueñ khar nzuai, Fhe Bakime ana vhava ñaara bakime phorga kim, ana ñkasñka, ana nduara guigira fharigi. Ana nduara ndikndiga guara niñge ma.

*Por Fhe Bakime ana kora muunji ne nzuav, anan ndikndigap ana phorga nzuai.*

<sup>12</sup> Nza Bakime Krai Zisas ana ñkasñkar na niñgiap na khotigi, gu ana ñaarar muunga tukti.

---

**1:10** Stt 19.4-5; 1 T 6.3; 2 T 4.3; Ta 1.9      **1:11** Ga 2.7; Kor 1.25; 1 Te 2.4; 1 T 6.15      **1:12** FG 9.15; Ga 1.15-16

Ana maan muunjiap, mba njaarak muun zav nan farasarigi. Gu maan muunjiap ne nzuav anan ndikndigi. <sup>13</sup> Gu guigira fhum, ana zi nziiv, gu panan ana kegap, gu buni mbatigir ana suangi. Gu ana muunji bigi, ana nta kanji. Ne khan muunji, gu mba tugen gu tuituigiap ana kanji fhu, gu vhirra ana kothigi fhu. Gu maan muunjim, ana nan kora muunji. <sup>14</sup> Nza Bakime Krai Zisas, ana guigira nan kora muunjiap, na ndikndik khavgim, gu ana kothigap, gu won ndavar harigi gumgi gu mbigi ga ndii.

<sup>15</sup> Krai Zisas, nza tivi mbatigi ga mbui gumgi gu mbigi, ana taagip nza ndir zav kha nuianan zergi. Kha kamen ne guigi guarara, kha gumgi zam kha kamen mbararagip, ne kothigiri. Gu guigira tivi mbatigi ga muunji guma guar ma. Gu muunji tivi mbatigi, nta guigira kha gumgi mbui tivi mbatigi kamarigi. Gu fharav kha gumgi kharav, tivi mbatigi ga mbui guma ma. <sup>16</sup> Zisas Krai khuen vuzvugi, kha gumgi gu mbigi zam tuituigip khuen kangirga, ana tivi mbatigi ga mbui gumgi gu mbigi, ana guigira mbarara mbe nzuai guma ma. Ana maan muunjiap fharav nan kora muunji. Mba gumgi gu mbigi ana na muunji tiva gangip, mbe ana kothigirga, ana zazera mbara muunjiap ki biinbiin mben niingirga. <sup>17</sup> Fhe Bakime zazera mbara muunjiap kav ngui vhirve gari guman pan ma. Ana rii ne fhuvara. Nza kha gumgi gu mbigi ana gangi fhu. Ana nduara guigira Fhe Bakime

---

**1:13** FG 3.17; 8.3; 9.4-5; 1 Ko 15.9-10; Ga 1.13      **1:14** Ru 7.47; Ro 5.20; 1 Ko 15.10; 2 T 1.13      **1:15** Ru 15.2; 19.10; Ro 5.8; 1 T 3.1; 4.9; 2 T 2.11; 1 Zo 3.5      **1:17** Dan 7.14; Zo 1.18; Ro 16.27; Hi 11.27; 1 Zo 4.12

ma. Maan muunjiap, nza zazera ana zi ndiv vun kuamkuarga, ana nduara fhara kirga. Ne guigira.

*Timoti khan tigip havhargip, tivi mbatigi phorgip shogiv, nta mbeviv kiri.*

<sup>18</sup> Nan kam Timoti, gu fhum Fhe Bakimen kamthoon guma ndu muunga kamen suangi, gu ne ga ndirigi. Gu ne ga ndirigap, gu ndu muunga bigi bun ndu nzuai. Ndu mba Fhe Bakime kamthoon guma suangi kamen, ndu fhura ne ganirim, ne ndu ndava khaviri. Ndu khan tigip havhargip, mba tivi mbatigi phorgiv shogip, nta mbeviri. <sup>19</sup> Ndu mba ntarar muunv guigira Zisas kothigip ndu khuen kangiri, ndu Fhe Bakime niman bigin thuen suanv simtik kirga fhu. Gumgi mbari, mbe khuen kangi, mbe pham bigin muen muunji, mbe ne kangiap, mbe fhura Fhe Bakime ganirim, ana mbe muunji bigen ndi thigar maan thagi. Mbe maan muunjiap kav, zungum mbe Zisas kothigi ndikndik za mbatigiap, mbe kem vov, nkhar tin ndav za mbatigi fara muunji. <sup>20</sup> Himeneus gu Areksander, mani vhira mba tiva muunjim, gu mani ndim, Satan farve khingi. Mani tuituigip khuen kangir zav, mani wom buni mbatigir Fhe Bakime suanga fhu.

## 2

*Nza zam kha gumgi gu mbigi ga suanv Fhe Bakime suanrim, Ana mben kurkurarga.*

<sup>1</sup> Ndu fharav muunga bigen khare. Gu khan tiga havhargiap ndu nzuai, ndu mba gumgi gu mbigi

ga suanrim, mbe Fhe Bakime phorgip suanv, ana ndikndigiv zam mba gumgi gu mbigir kurkurar sanv, ana phorgi suanv, ana nzanri. <sup>2</sup> Mbe vhirav ngui vhirve gari gumgir pani gum ngui gari gumgir panin kurkurar sanv ana phorgiv suanri. Nza maan muungip tuituigip piigip, ndavi mbirav wari kiv, Fhe Bakime suanji tivi, nza nta zin ngirga. <sup>3</sup> Mba khesharigi suambara mbuav Fhe Bakime phorga nzuai tiv, Fhe Bakime mba tiva garim, ana ana rimanin nzerigi. Ana taagiap nza ndi guma ma. Ana guigira mba khesharigi nzambari vuzvugi. <sup>4</sup> Ana maan muunga, mba gumgi gu mbigi zam guigira ana buna vhuuej kanjirga, ana taagip mbe ndigirga. <sup>5</sup> Nza kanji, Fhe Baki bavira ki. Guma bavira, ana rigigera ki guma ma. Ana Fhe Bakime gum gumgi gu mbigi, ana mben rigigera ki. Mba guma, ana Krai Zisas ma. <sup>6</sup> Fhe Bakime sarigi tugara, Krai won tuma fekingiap, zam kha nuianan ki gumgi gu mbigi ga vhezgi. Nza mba tiva gangiap, kanji, Fhe Bakime kha tivar nza khivigi. Ana zam kha nuianan ki gumgi gu mbigi ndirgen vuzvugi. <sup>7</sup> Fhe Bakime nan farasarigim, gu ana naara guma ki. Gu guigira khar nzuai. Gu guiguigi fhuvara. Ana mba harigi fhain ngui gumgi gu mbigi, ana wo buna vhuuen mbe khivirim, mbe Krai khotigip, guigira buna vhuuej kanjirga.

<sup>8</sup> Maan muungiap, gu khuen vuzvugi, kha

---

**2:4** Ese 18.23; Zo 3.16-17; 17.3; 1 T 4.10; 2 T 2.25; 2 Pi 3.9    **2:5** Ro 3.29-30; Ga 3.20; Hi 8.6; 9.15; 12.24    **2:6** Mt 20.28; 1 Ko 1.6; Ga 1.4; Ef 1.7-9; 2 Te 1.10; Ta 1.3    **2:7** FG 9.15; Ga 1.16; 2.7-8; Ef 3.7-8; 2 T 1.11    **2:8** Ais 1.15; Mal 1.11; Zo 4.21

nuianan ki ηgui gumgi, mbe zam wari won ntuun anan niηgip, ana niηman ηgaravra kiν, ndavi shiav kaadogi tivi thav, hari ηgav, Fhe Bakime phorgiv suanri.

*Naari vhuuη ga mbui tivi, nta guigira mbigir siη ma.*

<sup>9</sup> Harigi buna muen khan muungi. Gu khuen vuzvugi, guigira Zisas kothigi mbigi, mbe fhura ferfera rui mbigi wari nzi siη muun thari. Mbe fhura ferferip, siη mbatigar warir muunv mbarkirga siη muunv, wari won pani siηv, ηkiiā vun ndagi shagi gu bigi shariv, gorar muungi bigi wari siη thari. <sup>10</sup> Khan nzuai mbigi, nza guigira Zisas kothigap, ana zin vui. Mbe mbarkirga ηaari vhuuηra muunga. Mba tiv ana guigira mben siη guar ma. <sup>11</sup> Nde mbigi, nde wari won thiri pingip, wari mbevav, Fhe Bakime buni vhuuη ndiri. <sup>12</sup> Gu fhura mbigi garim, mbe gumgi garav Fhe Bakime bunin vhuuin mbe khivav, mbe nzuai fhu. Zakira fhuvara! Nde mbigi, nde fhura thiri pingip, buni mbararari. <sup>13</sup> Nde mbarara, Fhe Bakime fharav Adam ga muun giap, ana zungum Iv ga muungi. <sup>14</sup> Adam ana guiguigi buni kothigi fhuvara. Mbik, ana guiguigi buni kothigap, ana tiva mbatigen muungi. <sup>15</sup> Mbigi, mbe muunga ηaar khare, mbe tari targa. Mbe maan muunv, mbe zazera Krai kothiviv, wari won ntuur ana niηv, ana niηman ηgaravra kiν, mbe guigira wari won

---

**2:9** 1 Pi 3.3-5    **2:10** 1 T 5.10    **2:12** 1 Ko 14.34    **2:13** Stt 2.7; 2.21-22; 1 Ko 11.8-9    **2:14** Stt 3.1-6; 2 Ko 11.3



ndavir harigi gumgi gu mbigi n̄iŋv tivir vhuun muunga, Fhe Bakime taagi mbe ndigirga. <sup>a</sup>

### 3

*Sios gari gumgir pani, mbe tivir vhuuŋ zin ŋgiri.*

<sup>1</sup> Kha kamenj ne guigi guarara, guma ana siosan guman pan kirgenj vuzvugi, ana ŋaara vhuuŋ vuzvugi. <sup>2</sup> Guma, ana sios gari guman pan ki, ana tivir vhuuŋra zin vui. Mba gumgi, ana muuŋgi tiva mbatiga thuenj ganinga fhu. Ana vhira muuŋ bavira kiri. Ana tuituigip perav, ana ndikndigi vhuuŋra zin ŋgiv, tivir vhuuŋra muuŋri. Ana phenan zi gumgi, ana tivar vhuuŋra mben muuŋv, tuituigira mbe ganiri. Ana vhira tuituigira Fhe Bakime buna guarenj kanjip, ana mba harigi gumgi khivirgenj kanji, mbe khiviri. <sup>3</sup> Ana pharar ŋanŋanin mbiv ŋanŋani thari. Ana vhira vhemkora ndav shiv harigi gumgi shogi thari. Ana mbarara mbe suanri. Ana ŋkiiara suan muuŋ thari. <sup>4</sup> Ana vhira gangana vhuuŋra won muuŋ gu tarir muuŋv, won tari ga suanrim, mbe ana piin kiv, ana buni mbararav nta zin ŋgiri. <sup>5</sup> Guma, ana won muuŋ gu tari, ana gangan vhuun mbe mbui fhu, ana Fhe Bakimen sios gangirga tuktigi fhu. <sup>6</sup> Ntigera Fhe Bakime zi panan ruagi guma, ana sios gari guman pan kegirga tuktigi fhuvara. Ana maan muuŋgirga, ana khuenj ndikndigirga, gu guman vhuuŋ ma. Ana mba ndikndigar muuŋv, riŋriŋga, Fhe Bakime Satan ga nzuav suanji

<sup>a</sup> **2:15** Kha vezar mbe Grikar kaman suanji kamenj tuituigiap higi fhuvara. **3:1** FG 20.28; Ef 4.12; Fi 1.1; 1 T 1.15 **3:2** 1 T 5.9; 2 T 2.24 **3:2** Ta 1.6-9

tivara muungip, ana suany suangirga. <sup>7</sup> Guma, ana sios thav kirar ki gumgi niman, ana zin vhuun ki, mba guma, ana sios gari guman pan kirga tuktigi. Ana zin vhuun kirga fhu, mba gumgi buni mbatigir ana suanga, Satan won vhiar ana ndigirga.

*Siosan ngaara gumgi, mbe tivir vhuunra zin ngiri.*

<sup>8</sup> Mba tivara siosan ngaara gumgi, mbe vhira ndikndigar vhuun won ngaarir muunri. Mbe thinkhum phuniaŋ gi thari. Mbe pharar nanjanin mbi thari. Mbe fhura gumgir nkia gu bigi ngi thari. <sup>9</sup> Mbe khuen kangiri, mbe Fhe Bakime rimani niman, mbe bigina mbatik thuen muungiap, nen simtiga ndi fhu. Mbe vhira Fhe Bakime nza khivigi buna guaren, nza ne kothigi, mbe mba buna guaren, mbe ne suira havhargiri. <sup>10</sup> Nde fharav mben mpirav mben ngaara ganiri. Mbe maan muungip ngaara vhuunra muunga, mbe siosan ngaar gumgi kirga. <sup>11</sup> Mben muun, mbe vhira ndikndigar vhuun mbe mbui tivir muunri. Mbe fhura shishigip buna thuen harigi gumgi ga siv, buna thuen suan thari. Mbe tuituigip piigip, mbe mba ndigi ngari, nza mbe kothigi, mbe tuituigip ntan muunri. <sup>12</sup> Siosan ngaara guma, ana mbiga bavira man kiri, ana vhira won muun gu tari ana tuituigira mbe ganiri. <sup>13</sup> Siosan ngaara gumgi ki gumgi, mbe ngaara vhuunra mbui, mbe zin vhuun ki. Mbe vhira guigira Krais Zisas kothigi, ne bun suangen rivi fhu.

*Fhe Bakimen tivir vhuuin nñeñ, ne bigina baki guareñra.*

<sup>14</sup> Gu vhemkora mbar ñgip, ndu ganingen vuzvugi. Gu thav, kha ndikndiga mbui, gu kha kamen khergip, ndu ndi maanga ne nzerara. <sup>15</sup> Gu maan muungip vhemkora ndun han ñgigirga fhu, ndu kha bunen gangip, ndu nza Fhe Bakime ntñiri muunga tivir vhuuin, ndu nta kanqip, nta zin ñgiri. Nza Fhe Bakime ntñiri, nza zazera mbara muungiap ki Fhe Bakimen sios ma. Nza mba sios, kina havharage fara muungiap mba buna guareñ phufurigi. <sup>16</sup> Nza tuituigiap khuen kanqi, Fhe Bakime mbui tivir buna nñeñ, ne guigira bigina baki guareñ ma. Mba bunen, Fhe Bakime nen nza khivigi, ne khañ muungip.

Ana guma guarara gegim, kha gumgi gu mbigi ana gangi.

Fhe Bakimen Nina Naar khuen nza khivigi, ana wo bun nzuai, ne guigi guarara.

Fhe Bakime enseri, mbe vhira ana gangi.

Kha nuianan ki gumgi vov, ana buni vhuuin bun za kha gumgi ga suangi.

Za kha nuianan ki gumgi gu mbigi, mbe mbari ana khothigi.

Fhe Bakime ana ndigap, vun ndagim, ana zi bakime ndigi.

## 4

*Kha khesharigi guiguigi buni, nta gumgi gu mbigi ndikndigi nji.*

<sup>1</sup> Fhe Bakimen Njina Njaar thugara phirav, khuen bun nzuav khañ nzuai, zumgum Zisas taagi zirirga tuk han mbararga, gumgi thari, mbe guigira Zisas kothigi tiv, mbe ana kuegirga. Ne khañ muungi, mbe wari wo khuarir bigi guiguigi njiningi mbatigi nzuai bunin tigip, mba njiningi mbatigi nzuai buni, mbe nta zin ngirga. <sup>2</sup> Mba bigi guiguigi gumgi, mbe mba guiguigi bunin mba gumgi gu mbigi ga suanga. Mba gumgi, mben ndikndigi guigira pham vegim, mbe wari wo mbui tivi mbatigi, mbe nta ndikndigi fhuvara. <sup>3</sup> Mba gumgi, mbe mani gu muuñ warir rigirgen guigira Zisas kothigi gumgi gu mbigi thivav, mbe vñira Fhe Bakime nza ana kothigav, ana buna guaren kañgi gumgi gu mbigi, ana nza mbirgen nzuav muungi mba, mbe ntan mbirganen mbe thivi. Mba mba nza ntan mbiv, nta suañv Fhe Bakime phorgi suañv ana ndikndigirga. <sup>4</sup> Nza kañgi, Fhe Bakime muungi bigi, nta zam bigir vhuuñra. Nza nta ganiv, khañ suanga fhu, nta bigi mbatigi ma. Fhuvara. Nza nta suañv Fhe Bakime phorgiv suañv ana ndikndigip, nta ndirga. <sup>5</sup> Fhe Bakime nzuai hegi bigi, nza nta nzuav, ana phorga nzuav ana ndikndigi buni, nta mba mba gum bigi ga muungim, nta Fhe Bakime niman ngarigi.

---

**4:1** 2 T 3.1; 1 Pi 1.20; 2 Pi 2.1; 3.3; 1 Zo 2.18; Zu 1.18; VB 9.20; 16.14

**4:3** Stt 9.3; Ro 14.6; 1 Ko 8.8; 10.30-31; Kor 2.20-21; Hi 13.4 **4:4**  
Stt 1.31; FG 10.15; Ro 14.14; 14.20; 1 Ko 10.25; Ta 1.15

*Timoti Kraisan ŋaara guman vhuuŋ kiri.*

<sup>6</sup> Ndu maan muungip khan muungi kamen guigira Zisas kothigi gumgi ga suanga, ndu guigira Krai Zيسان ŋaara guma vhuuŋ kirga. Ndu maan muungiap, ndu nza mbararav kothigi bunin vhuuŋ, ndu ntan ŋkasŋka ndigip, ndu mba ndigi ndikndigir vhuuŋ, ndu nta zin vugi. <sup>7</sup> Gumgi mbari, mbe Fhe Bakime ndikndigi zin vui fhu. Mbe nzigi buni nzuav, mbigi gu thari nzuai buni nzuai. Ndu guigira kir nta segiri. Ndu tuituigira Fhe Bakime nzuai tivi kanjiri. <sup>8</sup> Ndu kanji, nza maan muungip wari wo fhavir muungirim, nta ŋkasŋkagir sanv, nza zazera wari won fhavir muungirim, nta zazera mba tivar muunga, mba tiv thaneŋ nzan kurarga. Nza tuituigira Fhe Bakime tivi kanjip, nza ntan muunga. Mba tivi khan tigip havhargip nzan kurarga. Mba tivi ntige nza khar ki kiri tivir nzan kurarga. Mba tivi vhora, zumgum nza Fhe Bakime han kirga kiri tivir nzan kurarga. <sup>9</sup> Kha kamen ne guigi guarara, gumgi zam ne mbararav, ne kothigiri. <sup>a</sup> <sup>10</sup> Zazera mbara muungiap ki Fhe Bakime, ana taagiap za kha gumgi gu mbigi ndi guma ma. Nza ana kothigi gumgi gu mbigi, ana guigira taagiap nza ndi. Nza guigira ana kothigap, anan rargap ki, ana guigira tivir vhuuŋ nza mbuim, nza maan muungiap zazera ŋaara mbatiga mbui.

<sup>11</sup> Ndu kha bunin mba gumgi gu mbigi ga suanv

---

**4:7** 1 T 1.4; 6.20; 2 T 2.16; 2.23; Hi 5.14    **4:8** Sng 37.4; Mt 6.33; Ro 8.28; Kor 2.23; 1 T 6.6    **4:9** 1 T 1.15    **a** **4:9** Nza kanji fhuvara, ana khan suan za mbui, maangi kamen ne guigi guarara. Mba kamen ves 8 ki o, ves 10 ki.    **4:10** Sng 36.6; 1 Ko 4.11-12; 1 T 2.3-4

kaman havharar, nta zin ngir sanv, mbe suanv mbe khiviri. <sup>12</sup> Mbe ndu garim, ndu manen guman kamara ki. Mbe khuen ndu ndikndigi thari, ndu guma khin ma. Fhuvara. Ndu tivir vhuuira muunrim, mba Fhe Bakime zin panan ruagi gumgi gu mbigi ndun tivi ganiv, nta zin ngiri. Ndu nzuai buni, ndu tivir vhuuira mbui buni suanv, ruru vhuuira muunv, guigira wo ndavar harigi ntiri niri, guigira Zisas kothigip, Fhe Bakime vuzvugi tivir mbe khiviv, mbe suanri. <sup>13</sup> Gu maan muungip vhemkora zigirga fhu, ndu Fhe Bakime buni vhuuiri ki gava ganiv, mba bunin ninge bun guigira Zisas kothigi gumgi gu mbigi ga suanv, Fhe Bakime vuzvugi tivir mbe khiviv, mbe suanri. <sup>14</sup> Ndu mba Fhe Bakime fhura ndu ninge rikasrikar naarar muungen vhuuvhugi thari. Mba tugen sios gari gumgir pani, mbe farver ndu khingiap, guma mbe Fhe Bakimen kamthoon gumgi nzuai mbugum, ndun muunga tivir ndu suangi. <sup>15</sup> Ndu zazera wo mbui naari tuituigip nta ganiri. Ndu khar tigip rikasrikagip mba naarar muunrim, nta hiriri vhuuira muunri. Ndu maan muunrim, mba gumgi gu mbigi ndu mbui naari ganirim, nta guigira nzerara higirga. <sup>16</sup> Ndu wo mbui tivi, ndu tuituigip nta ganiv, mba gumgi gu mbigi khivav, mbe nzuai naari, ndu vhira tuituigip nta ganiri. Ndu khar tigip havhargip maan muunga, ndu mba ngari naarar panan, Fhe Bakime taagip ndu ndiv, ndu buni mbararagi gumgi gu mbigi, ana vhira taagip mbe ndigirga.

**4:12** 1 Ko 16.11; Ta 2.7; 2.15; 1 Pi 5.3      **4:14** FG 6.6; 8.17; 13.3; 19.6; 1 T 1.18; 2 T 1.6      **4:15** 1 T 5.22      **4:16** FG 20.28; Ro 11.14; 1 Ko 9.22; Ze 5.20

## 5

*Timoti kha gumgi gu mbigi ganirim, mbe ana ndegi, gu ndegmbori gum, ana n̄gugi gum bivira kiri.*

<sup>1</sup> Ndu gumgi vuri ga vhegi thari. Ndu mbarara mbe suaŋv, mbe ndiv thiŋar maan̄ri. Ndu won ndia girgiira mbui tivara mben muun̄ri. Ndu mba tivara gumgir n̄kaar muun̄ri. Ndu wo phorge regi nt̄iri ga mbui tivara mben muun̄ri. <sup>2</sup> Ndu won ndegmbori ga mbui tivara, ndu mba mbigi vurir muun̄ri. Ndu wo phorge regi mbigi h̄irin̄ ga mbui tivara, ndu mba mbigir n̄kaar muun̄ri. Mba tiv, ana guigira Fhe Bakime n̄iman n̄garigi.

*The mba mani v̄hizgi mbigi ganirie?*

<sup>3</sup> Maan̄ muun̄gip, mbiga the ana mana ringirim, ana ganinga guma the ki fhu, ndu tivar vhuun̄ra ana muun̄ri. <sup>4</sup> Maan̄ muun̄gip, mba mana ringi mbik, ana tari gu nzigi ki, ndu mben kurkurav mbe suaŋv khaŋ mbe suaŋri. Nde fharav Fhe Bakime rimani n̄iman muunga n̄aar khare, nde won ndegi gu ndegmbori, nzigi gum nzikmbigi ganiri. Mbe mba tivara muunga, mbe fhum mbe garav, mbe nzuav n̄garigi n̄aari, mbe nta n̄karkarga. Fhe Bakime guigira mba khesharigi tiva vuzvugi.

<sup>5</sup> Maan̄ muun̄gip, guma the ringirga, ana muun̄ nduara kirga, mba mbik khaŋ muun̄ri. Ana guigira Fhe Bakime khot̄igip, Fhe Bakime ana kurkuragen rargap, zazera raa gu maan̄ Fhe Bakime phorgi suaŋv, anan nzaŋv, kiri. <sup>6</sup> Maan̄ muun̄gip, guma the ringirga ana muun̄ nduara kiv, ana wo fhava vuzvuga zin n̄girga, mba mbik,

ana vhira, ana rimgi fara muungiap ki. <sup>7</sup> Maan muungiap, ndu mba gumgi gu mbigi ga suanrim, mbe tivir vhuuira muunrim, mba gumgi gu mbigi buni mbatigir mbe suanga fhu. <sup>8</sup> Ndu mbarara. Maan muungip, guma the ana wo phorge rigi vizina bavira gari fhu, ana vhira won fegutari, ana mbe gari fhu, mba guma, ana guigira Zisas kothigi tiv, ana ana thav, ana guigira guma mbatik ma. Nde guigira Zisas kothigi gumgi, nde mba tiva mbuav, nde mba Zisas kothigi fhuv gumgi kambarav, nde guigira tiva mbatiga mbui.

<sup>9</sup> Mba mani vhezgi mbigi, mben rigar, ndu kha khesharigi mbigi zirira khergiri. Mba mbigi mben mpari vov, 60 kambarigi, mbe vhira mani bevbevira rigia kegi. <sup>a</sup> <sup>10</sup> Mbe mani bevbevira rigia kav, mbe mbarkirga tivir vhuuira muungi ziri ki. Gu kha khesharigi njaari vhuuian nzuai, ana won tari, ana tuituigap mbe garav, harigi nguir kega zi gumgi, ana mban mbe ndiv, guigira Zisas kothigi gumgi, ana mben ndikndigap, wo mbevav, fhura mben njara mbik ki fara muungi. Ana vhira simtik ki gumgi gu mbigi, ana mben kurkurav, vhira harigi khesharigi njaari vhuuian muungi. Ndu mba

---

**5:8** Ais 58.7; Mt 18.17; Ga 6.10; Ta 1.16    **a** **5:9** Nza tuituigiap kangi fhuvara. Mbe thanj nzuav kha ziri khergi. Mbe bigi kangi gumgi mbari kha ndikndiga mbui. Mbe mani vhezgi ndir mbigi, mbe khanj suangi, mbe wom harigi manin rigirga fhu. Mbe Fhe Bakimen njarara muunga. Mbe maan suangim, mbe guigira Zisas kothigi gumgi, mbe ziri khergi. Mbe mbe ziri khergiap, mbe mba gu bigir mbe gari.    **5:10** Hi 13.2



khesharigi mbigi, ndu mbe zirira ndigiri. b

<sup>11</sup> Ndu mbigir nkaa mbe mani vhezgi, ndu mbe ziri ndi thari. Mbe taagip manin rigir sanv ndavi khaviv, kir Krai ga segirga. <sup>12</sup> Mbe maan mbuav, mbe wo suangi kaaven, mbe nta phira sui. <sup>13</sup> Mbe vhirra kha tivar muunga. Mbe vhukvhuga kivgiap, fhura pheni bogbogi rurga. Mbe vhukvhugi tivara muunga fhuvara. Mbe vhirra guigira kha tiva vuzvugirga. Mbe harigi gumgi gu mbigi mbui tivi mbararav, mben vhiri gorav, mbe zin maanv, mbe suanga. Mbe maan muunv, mbe suanga buni vhirve nzerarga fhu. Nza mba khesharigi buni suanga fhu. <sup>14</sup> Maan muungiap, gu kha ndikndiga mbui. Mani vhezgi mbigir nkara ki, mbe wom harigi manin rigip, tari tiv, wari wo pheni ganiri. Mbe maan muungirga, nzan pana gumgi, mbe muungi tiva thuen ga suanv, buna mbatiga thuen nza suanga fhu. <sup>15</sup> Ndu kanji, mba mani vhezgi mbigir nkaa mbari, mbe tuavar vhuun thav, mbe Satan zin vui. <sup>16</sup> Maan muungip, mbiga the, ana Zisas kothigi, ana phorge regi mbigi thari, mben mani vhezgi, mba mbigara mba mani vhezgi mbigi ganiri. Ana maan muunga, mba siosan ki gumgi gu mbigi mbe ganiv, mben simtigi ndirga fhu. Mba siosan ki gumgi gum mbigi, mbe mani vhezgi

**b 5:10** Ndu Zon 13.1 kegip gani ngip ves 17 thigiri. Mbe mba tugen mbui tivi khare. Gumgi gu mbigi thari, ndu phenan zigirga. Ndu kanji, mbe mba tuavar zim, mba tuavar vherin mben nkari ga muungim, mbe nkari nzanzanji, nde mben nkari ruagiri. Mba naar ana naarar mbik gum naara guman naar ma. Zisas, ana khan wo farasegi 12 thigi naara gumgi ga suangi. Nde mba khesharigi tivar muunv, nde za mba harigi gumgi gu mbigir naari gumgi kiri. Matiu 20.25-29 thigiri. **5:13** 2 Te 3.11 **5:14** 1 Ko 7.9

mbigi, mbe guigira nduarira kim, guma the mbe gari fhuv, mbe mbe ganinga.

*Nza njaar vhuunra mbui sios gari gumgir pani, nza tuituigira mbe ganinga.*

<sup>17</sup> Nde njaara vhuuanj mbui sios gari gumgir pani, nde zi bakime gum vheza vhuun mben niinjri. Nde fharav niinga ntiri khare, mba Fhe Bakime buni vhuuij bun nzuav njaara mbatiga mbuav, ntan gumgi gu mbigi ga nzuav, Fhe Bakime vuzvugi tivir mbe khivi gumgir pani, nde fharav mben niinjri. <sup>18</sup> Nza kanji, Fhe Bakime buni vhuuij ki gap khanj nzuai, “Nde borombaga rezi gu bigi gurim, nde mban ana thivi thari.” Nza kanji, “Njaara guma, ana won vheza ndir zav ana ngari.” <sup>19</sup> Maanj muungip, guma the khanj suanga, “Kha sios gari guman pan, ana bigin mbatik muenj muungi,” ndu khuarar mba bunen rigi thari. Ndu mbararari, guma phuni o, phuni khegene mba bunen suanjrim, ndu ne mbararari. <sup>20</sup> Maanj muungip, sios gari guman pana the tiva mbatiga thuenj muungirim, ndu sios niman ana phorgip suanjv, mba bigenj ndiv thigar maanjri. Ndu maanj muungirga, mba sios gari gumgir pani, mbe riv-girga.

*Timoti wo mbui tivi, ana tuituigip nta ganiri.*

<sup>21</sup> Gu Fhe Bakime gum, Krai Zisas, Fhe Bakimen enseri ki, gu mben ringi niman, gu khanj ndu nzuai. Gu ndu suangi njaari, ndu tuituigira nta

---

**5:17** 1 Ko 16.18    **5:18** Lo 25.4; Mt 10.10; Ru 10.7; 1 Ko 9.9    **5:19** Lo 17.6; 19.15; 2 Ko 13.1    **5:20** Lo 13.11; Ga 2.11; 2.14; Ef 5.11; Ta 1.13    **5:21** 1 T 6.13; 2 T 2.14; 4.1

ganiv, ndu mba mbui tiva bavira za mba gumgir muunri. Ndu tivir vhuuin gumgi ruura muunv, won kivntogira muun thari. <sup>22</sup> Ndu Fhe Bakime njaarak muun sanv fhumra farver guma the khingip, ana suanv Fhe Bakime phorgiv suan thari. Ndu muunv kiv, harigi gumgi tivi mbatigi nduiga ndave rigirga. Ndu tuituigip wo ganiv, ndu Fhe Bakime niman njaravra kiri.

<sup>23</sup> Ndu mbi khinara pi tiv, ndu ana thari. Ndu tugi tharir wain bisanera mbiri, ndu wo ndava vhen ki rimrima suanv, mba rimrim ndu ndava vhen kav, zazera ndun hi.

<sup>24</sup> Gumgi mbari, nza mbe mbui tivi mbatigi, nza nta kanji. Mben tivi mbatigi, mbe rarga mbur ki. Mbe zumgum mba tivi mbatigi, mbe suanv suanvirga. Gumgi mbari, mben tivi mbatigi, nza nta kanji fhu, nta zorgap ki. Nta zumgum kirar hirga. <sup>25</sup> Mba tivara, tivir vhuuin mbari kirar hi, nza nta gari. Tivir vhuuin mbari, nta vhemkora kirar hi fhuvara. Nta mbara muungip zorgi kegirga fhuvara.

## 6

*Fhura njaara khina mbui njaara gumgi, mbe tivir vhuuinra muunri.*

<sup>1</sup> Guigira Zisas kothigi gumgi, mbe fhura harigi gumgir njaara gumgi khini kiri, mbe vhira wari gari gumgir pani, mbe mben piin kiv, mbe ziri ndiv vun kuamkuari. Mbe maan muunrim, mbe gari gumgir pani, mbe buni mbatigir Fhe Bakime zi

suanga fhu. Mbe vhira buni mbatigir nza guigira Zisas kothigi tiv, mbe ana suanga fhu.

<sup>2</sup> Maan muungip, nara guma khina the gari guman pan, ana guigira Zisas kothigi guma ma. Ana nara guma kha ndikndigar ana muun thari, “Ana, nka guigira Zisas kothigi fek gu nguk ma.” Ana mba ndikndigar muungip, ana buni daan su thari. Zakira fhuvara! Ana kha ndikndigar ana muunri, “Gu kha kurkurav ngari guma, ana guigira Zisas kothigi guma ma. Gu maan muungiap guigira ndavar ana nningi.” Ana mba ndikndigar muunga, mba ndikndik, ana khavirga, ana nara vhuun muunga. Ndu zazera tivir vhuun muun sanv, mba gumgi gu mbigi ga sanv mbe khiviv, ndu gu sanji tivar muun sanv, mben ndikndigi khaviri.

*Guigira nkha vuzvugi tiv, ana za kha tivi mbatigir nninge ma.*

<sup>3-4</sup> Nza Bakime Zisas Krai bunin vhuun, nta tuituigiap Fhe Bakimen tivir vhuun nza khivav, nza nzuai. Maan muungip, guma the mba buni vhuun thav, ana harigi khesharigi bunin gumgi khivi, mba buni Zisas bunin vhuun fara muunji fhu, nza kanji, mba guma, ana won tivira vuzvugiap, ana fhura ririiri. Ana bigin thuen kanji fhu. Zakira fhuvara! Ana bigi kaadogap, hurar bigi ga mbuav, kambai ndikndigi ga mbuav bigi bisarire ga nzuav, fhura daai. Kha khesharigi buni, nta gumgi ga mbuim, mbe harigi gumgi ga nzuav ndavi shi. Mbe ndavi shiav, wari daav, wari

nziav, ndikndigi mbatigir harigi gumgi ga mbui. <sup>5</sup> Mbe maan mbuav, zazera tamtam wari ga vhegi. Mba khesharigi ndikndigi ga mbui gumgi, mben ndikndigi za njanngim, mbe thanej buna guarej kanji fhu. Mbe khuej ndikndigi, Fhe Bakime zin vui tuav, mbe fhura nkia gu bigi ndi. Zakira fhuvara!

<sup>6</sup> Maan muungip, nza guigira Fhe Bakimen tivi zin vuim, ana nza ninji bigi, nta tugira. Nza nta nzuav Fhe Bakimen ndikndigi. Nta mba bigi vhuinj vhirve kambarigi. <sup>7</sup> Nza khuej kangiri, nzan ndegmbori nza tegim, nza kha nuianan hegi, nza bigi thari ndiga zegi fhuvara. Nza vhira kha nuiana thav taagi ngirga, nza bigi thari ndigi ngegirga fhu. <sup>8</sup> Nza maan muungip mba gum shagi kirga, nza khan suanga, “Kha bigi, nta tugiratigi.” <sup>9</sup> Guma nkia vhirve gum bigi vhirve vuzvugi, mba guma mpampare anan higip, vha farar muungip anan suirarga. Mba vuzvuk bigi mbatigi vhirver muun sanv mben ndavi khavirga. Mba vuzvuk mben farfagirim, mbe guigira njanngirga. Mbe mba tvar muunjv za mbatigirga. <sup>10</sup> Guigira nkia vuzvugap, nta nzuav thagine mbui tiv, ana mbarkirga tivi mbatigir ninje ma. Gumgi mbari, mbe guigira nkia vuzvugi. Mba tiv, mbe ngirgim, mbe guigira Zisas kothivi thav, mbe simtigi baikivi wari ga ndii.

*Nza khiriv khuafuv, nza zazera mbara muungiap*

---

**6:5** 1 Ko 11.16; 2 T 3.8; 4.4; Ta 1.11; 1.14; 2 Pi 2.3    **6:6** Sng 37.16; Snd 15.16; Fi 4.11-12; 1 T 4.8; Hi 13.5    **6:7** Jop 1.21; Sng 49.17; Snd 27.24; Sav 5.15    **6:8** Snd 30.8; Hi 13.5    **6:9** Snd 23.4; 28.22; Mt 13.22; 1 T 1.19; 3.7; Ze 5.1    **6:10** Kis 23.8; Lo 16.19; Ef 5.5

*ki bññbññ ndigirga.*

<sup>11</sup> Mbe maan muunga, ndu, ndu Fhe Bakime guma ma, ndu mba khesharigi tìvi mbatigi, ndu za kir nta segip, za nta ñkñari. Ndu nta ñkñav, ndu khan tìgip havhargip, Fhe Bakime suanv, tiva guara zin ñgip, ñgariri. Ndu nta ndiv, ndu guigira Zisas kothigi tiva guar gum guigira ndavar harigi ntñiri ga ndñi tìv, ndu ana ndiv, ndu vñira thiga havhargiap, simtigi ndi tìv, ndu ana ndiv, ndu vñira mbarara gumgi gu mbigi ga nzuai tiva ndigiri. <sup>12</sup> Ndu guma guigira Kraiskothigi, ndu guigira khan tìgip ñaara mbatigar muunv, ana nzuai tìvi, ndu guigira nta zin ñgiri. Maan muunv, ndu zazera mbara muunv ki bññbññ ndigirga. Ndu thiga havhargiap, gumgi gu mbigir vñirve ñiman, ndu Zisas kothigi ne bun nzuai, Fhe Bakime mba bññbññ ndir zav ndun kamgi.

<sup>13</sup> Ndu bññbññ za kha bigi ga ññgi Fhe Bakime gum, ndu Kraiskothigi, Pontius Pairat ñiman tìgip, Fhe Bakime kothigi ne bun suanv. Ndu mani ñiman ñiman, gu kama havharar khan ndu nzuai. <sup>14</sup> Ndu mba ndigi buni, ndu tuituigira nta zin ñgiri. Ndu bigin thuen muunv, mba gumgi buni mbatigir mba bigen ga suanv thari. Ndu tuituigira mba buni zin ñgìv kirim, nza Bakime Zisas Kraiskothigi. <sup>15</sup> Ana Fhe Bakime sarigi tugara, ana hìgìr. Fhe Bakime, ana guigira ndikndiga guara ññge ma. Ana nduara za kha bigi gari. Ana za kha ñgui vñirve gari

---

**6:11** 2 T 2.22    **6:12** 1 Ko 9.25-26; 1 T 1.18; 2 T 4.7    **6:13** Zo 5.21; 18.36-37; 19.11; 1 T 5.21; VB 1.5    **6:14** Fi 1.6; 1.10; 1 Te 3.13; 5.23    **6:15** Lo 10.17; 1 T 1.11; 1.17; VB 17.14; 19.16

gumgir pani gari guman pan ma. Ana vhira za kha gumgi bakivi gari Guma Bakime ma. <sup>16</sup> Ana nduara rihi ne fhuvara. Ana vhava njaara bakime ki, nza ana han ngigirga tuktigi fhuvara. Guma the, ana gangi fhu, guma the, vhira ana gangirga tuktigi fhuvara. Maan muungiap, nza zazera zi bakimen ana niinga, ana zazera mbara muungi nkasnka ki. Ne guigi guarara.

*Nkii gu bigi vhirivgi gumgi, mbe Fhe Bakime khothigip, mbe harigi gumgi gu mbigir kurkurari.*

<sup>17</sup> Ndu kha nuianan nkii vhirve gum bigi vhirve ki gumgi ga suanri, mbe riiriv, nduarira wari wo ziri ndiv vun kuamkua thari. Mbe mba vhemkora mbarigi bigi, mbe nta kothivi thari. Mbe guigira Fhe Bakime kothigiri. Fhe Bakime, ana nza guigira ndikndigi bigi vhirver nza ndii ne ma. <sup>18</sup> Mbe harigi gumgi gu mbigir kurkurigi tivir vhuuin vhirver muunri. Mbe zazera bigir vhirver, mba bigi, sosuagi gumgi gu mbigir niiri. Mbe khuen ndikndigi thari, nkii gu bigi nta guigira bigi guari ma. Fhuvara. Mben bigina guar khare, tivar vhuun harigi ntirir muunga. <sup>19</sup> Mbe maan muunga, mbe zumgum warir kurkurarga bigi vhirve ndigirga. Mbe vhira zazera mbara muungiap ki biinbin guara ndigirga.

*Timoti tuituigip wo mbui njara ganiri.*

<sup>20</sup> O, Timoti, ndu mba Fhe Bakime ndu niingi njaar, ndu tuituigip ana ganiri. Ndu mbe fhura

---

**6:16** Kis 33.20; Zo 6.46; Fi 4.20; Zu 1.25    **6:17** Sng 62.10; Mk 10.24; Ru 12.20-21; 1 Te 1.9    **6:18** Ro 12.13; Ga 6.6; Ta 3.8; Hi 13.16; Ze 2.5    **6:19** Mt 6.19-20    **6:20** 1 T 4.6-7; 2 T 1.14; 2.14; Ta 1.9; VB 3.3

tamtam nzuai buni, mba Fhe Bakime ndikndigi zin vui buni fhu, ndu kir nta segiri. Ndu kir nta segip, ndu kha ndikndiga mbui gumgi, nza za kha bigi kangi. Mbe mba suambara mbuav, mbe nzuai buni, nta Fhe Bakime ndikndigi ga sarigi. Ndu mba khesharigi gumgi, ndu mbe thav samra kiri. <sup>21</sup> Gumgi mbari, mbe mba khesharigi ndikndigi zin vov, mbe guigira Zisas kothigi tiv, mbe ana thagi.

Fhe Bakimen korar muumbar nde phorgi kiri.



## **Fhe Bakimen Kaman Kamen Kire New Testament**

copyright © 2001 Pioneer Bible Translators

Language: Kire

Translation by: Pioneer Bible Translators

### **Fhe Bakimen Kaman Kamen in the Kire Language**

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at [www.pioneerbible.org](http://www.pioneerbible.org)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 21 Feb 2024 from source files dated 29 Jan 2022

bfbcf792d-a7df-5425-8e30-1e4968f04468